



PROJEKAT INTEGRIRANOG LOKALNOG RAZVOJA (ILDP)

KLJUČNE INFORMACIJE:

Period implementacije:	2012 - 2015
Glavni donator:	Švicarska agencija za razvoj i saradnju (SDC)
Implementator:	Razvojni program Ujedinjenih naroda (UNDP BiH)
Glavni partneri:	Ministarstvo za ljudska prava i izbjeglice BiH, Federalno ministarstvo pravde; Ministarstvo uprave i lokalne samouprave RS; Savezi općina/opština i gradova oba entiteta

UKRATKO O ILDP-u

Projekat integriranog lokalnog razvoja (ILDP), kao sastavni dio UNDP-ovog Programa lokalne uprave, podržava dalju konsolidaciju sistema strateškog planiranja na lokalnom nivou u BiH putem:

- pospješivanja integriranja lokalnih strateških planova u strateške i finansijske okvire i planove viših nivoa vlasti; i
- podrške kritičnoj masi jedinica lokalne samouprave u primjeni harmoniziranog pristupa strateškom planiranju i učinkovitom upravljanju procesima lokalnog razvoja u partnerstvu sa njihovim lokalnim zajednicama.

Radeći istovremeno na nivou kreiranja politika i njihovoj primjeni u praksi, ILDP se pozicionirao kao jedna od ključnih inicijativa koja pruža podršku sistematičnom strateškom planiranju na lokalnom nivou i jača kapacitete lokalnih vlasti da učinkovito planiraju i upravljaju razvojnim procesima, sve u skladu sa razvojnim prioritetima zemlje i procesima integracije u Evropsku uniju.

OBRAZLOŽENJE

I pored isključenosti iz sistema i procesa planiranja na višim nivoima, posljednjih godina je došlo do pozitivne transformacije strateškog planiranja na lokalnom nivou i pomaka ka sistematičnijem i integriranom pristupu širom zemlje, nasuprot ranijim *ad hoc* pokušajima planiranja, usmjerenim na pojedinačne sektore. Danas više od 80% jedinica lokalne samouprave u BiH imaju usvojene strateške dokumente, dok je gotovo 20% njih kreirano primjenom harmoniziranog integriranog pristupa izradi strategija razvoja, kao što je to preporučeno standardiziranom metodologijom za integrirano planiranje lokalnog razvoja, poznatom kao MiPRO. Uprkos ovome, još uvijek postoji dosta izazova, među kojima su:

- limitirani organizacijski i upravljački kapaciteti na lokalnom nivou za transformaciju razvojnih strategija u konkretne aktivnosti;
- neusklađenost strategija na lokalnom nivou sa politikama i javnim resursima viših nivoa vlasti;
- nedostatak sredstava za implementaciju velikog broja strateških prioriteta na lokalnom nivou;
- nedovoljna interakcija između privatnog sektora i lokalnih vlasti, itd.

Na osnovu akumuliranih iskustava i izgrađenog ambijenta tokom prethodne projektne faze (2008-2011), druga faza ILDP-a predviđa višestruko proširenje obima intervencije, obuhvatajući ne samo strateško planiranje, nego i implementaciju strategija na lokalnom nivou te intervencije na nivou kreiranja politika koje omogućavaju integriranje lokalnog sistema planiranja u finansijske okvire i planove viših nivoa vlasti.

GLAVNE AKTIVNOSTI

Dijalog na nivou politika i konsolidacija lokalnog nivoa planiranja u strateške okvire viših nivoa vlasti po principu "odozdo prema gore"



Rural and Region
Development



Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Agency for Development
and Cooperation SDC



Empowered lives.
Resilient nations.

Zajedno sa institucionalnim partnerima – Federalnim zavodom za programiranje razvoja, Ministarstvom finansija FBiH, Ministarstvom uprave i lokalne samouprave RS, Ministarstvom za ekonomske odnose i regionalnu saradnju RS, Ministarstvom finansija RS te savezima općina/opština i gradova oba entiteta, projekat će podržati i moderirati konsultativne procese za unaprjeđenje strateškog planiranja u oba entiteta (u Federaciji Bosne i Hercegovine i u Republici Srpskoj). Konsultacije imaju za cilj postizanje konsenzusa među relevantnim akterima o poziciji lokalnog nivoa u sistemu planiranja viših nivoa vlasti, kao i identificiranje i postizanje dogovora o konkretnim mehanizmima koji će omogućiti konsolidaciju razvojnih prioriteta na lokalnom nivou u strateške okvire viših nivoa vlasti (konkretno regulatorne, operativne i institucionalne preporuke). Ono što je veoma važno spomenuti jeste da će se putem diskusija o politikama, također nastojati identifikovati i uspostaviti konkretni mehanizmi za usaglašavanje procesa strateškog planiranja na lokalnom nivou sa procesima planiranja viših nivoa vlasti (kantonalnom i entitetskom), uključujući finansijsko planiranje i programiranje javnih investicija.

Podrška procesu harmonizacije kantonalnog planiranja razvoja

Iz ugla sveukupne harmonizacije strateškog planiranja u BiH i, konkretnije, veza između različitih nivoa planiranja, kantonalni nivo Federacije BiH zahtijeva posebnu pažnju, s obzirom da je najfragmentiraniji i istovremeno ključni dio sistema za planiranje FBiH. S tim u vezi, ILDP će obezbijediti podršku participatornom definiranju jedinstvenog pristupa strateškom planiranju na nivou kantona, uz učešće predstavnika svih 10 kantona, kao i predstavnika relevantnih institucija s drugih nivoa vlasti. Paralelno tome, pružit će se podrška dvjema kantonalnim vladama – vlada Unsko-sanskog kantona i vlada Zapadnohercegovačkog kantona – i njihovim socio-ekonomskim akterima u kreiranju njihovih integriranih razvojnih strategija.

Integrirano strateško planiranje na lokalnom nivou

ILDP će nastaviti pružati podršku harmonizaciji planiranja razvoja na lokalnom nivou daljom primjenom metodologije za integrirano strateško planiranje u BiH, stvarajući time kritičnu masu jedinica lokalne samouprave koje primjenjuju integrirani i participatorni pristup u izradi svojih strategija razvoja. Partnerske jedinice lokalne samouprave koje će raditi na strateškom planiranju, zajedno sa njihovim zajednicama su: Bihać, Bijeljina, Gradačac, Jablanica, Jajce, Ključ, Laktaši, Livno, Ljubuški, Lopare, Mrkonjić Grad, Nevesinje, Novo Sarajevo, Posušje, Prijedor, Sanski Most, Velika Kladuša i Vlasenica. ILDP će pružiti prilagođenu tehničku podršku, kao i obuku lokalnim partnerima tokom strateškog planiranja, čime će se ojačati kapaciteti općina/opština i gradova za integrirano i socijalno inkluzivno planiranje razvoja.

Transformacija lokalnih strategija u konkretne aktivnosti

S druge strane, ILDP će pružiti podršku jedinicama lokalne samouprave u implementaciji njihovih strategija razvoja, čime će se konkretizirati razvojni rezultati u lokalnim zajednicama i ojačati njihovi kapaciteti za učinkovito upravljanje razvojnim procesima. Jedinice lokalne samouprave koje će dobiti podršku projekta su: Bosanska Krupa, Bosanski Petrovac, Bugojno, Bužim, Cazin, Doboj, Doboj Istok, Doboj Jug, Gračanica, Kostajnica, Kotor Varoš, Ljubinje, Maglaj, Odžak, Orašje, Osmaci, Prnjavor, Šamac, Srbac, Srebrenik, Trnovo i Zenica. Paket podrške će obuhvatiti prilagođenu obuku i tehničku podršku, uvođenje novih alata za rukovođenje i vezane procese po sistemu "korak po korak". Između ostalog, posebna pažnja će se posvetiti povećanju kapaciteta za izradu budžeta u skladu sa lokalnim razvojnim strategijama. Projekat će partnerskim jedinicama lokalne samouprave omogućiti pristup poticajnim sredstvima koja će doprinijeti učinkovitijoj implementaciji lokalnih razvojnih strategija i prioritarnih projekata koji iz njih proizilaze. Dugoročno, podrška ILDP-a ima za cilj efektivnu institucionalnu promjenu, profesionalizaciju lokalne administracije i uspostavljanje održivih administrativnih i upravljačkih alata i mehanizama koji će lokalnim vlastima omogućiti da se nose sa kompleksnim razvojnim procesima.



PREGLED ILDP PARTNERA

Kantoni:

Unsko-sanski kanton i Zapadnohercegovački kanton

Jedinice lokalne samouprave:

Bihać	Jablanica	Osmaci
Bijeljina	Kotoro Varoš	Posušje
Bosanska Krupa	Kostajnica	Prijedor
Bosanski Petrovac	Laktaši	Prnjavor
Bugojno	Livno	Sanski Most
Bužim	Lopare	Srbac
Cazin	Ljubinje	Srebrenik
Doboj	Ljubuški	Šamac
Doboj Istok	Maglaj	Trnovo RS
Doboj Jug	Mrkonjić Grad	Velika Kladuša
Gračanica	Nevesinje	Vlasenica
Gradačac	Novo Sarajevo	Zenica
Jablanica	Odžak	
Jajce	Orašje	

